

PA

6704

.595


1807

LIBRARY OF CONGRESS.

Chap. PA 6704

Shelf .595
1807

UNITED STATES OF AMERICA.









CÆLII SYMPOSII

Caelius Firmianus Symposius

ÆNIGMATA. *enter under*
Symphosius

HANC NOVAM EDITIONEM, *alme*


JUXTA

LECTIONES OPTIMAS

DILIGENTER CONGESTAM,

CURAVIT

LUCIUS M. SARGENT.



BOSTONIÆ, NOV-ANGL :

PRELO

BELCHER ET ARMSTRONG.

MDCCGVII.

PA 6704
S 95
1807

AD LECTOREM.

INTER Græcos, multi ænigmatum scriptores apud Athenæum laudantur; at, inter Latinos, ita rari inveniuntur, qui in hoc modo suos stylos exercuere, ut, præter hæc nostri Symposii et Ausonii unicum carmen, exemplarium haud ullum habemus. Apuleius, ut ipse memorat, libellum *Ludicrorum* et *Gryphorum* reliquit; ejus tamen libellus amittitur. Hac sub causa, pro chlamide, hic noster Symposius prodit, et tibi nunc erit, lector, solo, præter Ausonii supra memoratum carmen, hujus literarum generis vestigio, quid ex Latinorum reliquiis hoc ævo habeatur.

Ad hanc editionem formandam, Wernsdorfium magis quam alios consului. Hic Symposii edidit ænigmata, inter Poet. Lat. Min. opera, anno 1799; et ejus editio, prioribus longe emendatior et auctior, atque præmio pene *sempterno* comitata, est multo magis quam priores desideranda, propter notas eruditas, lectiones variantes, et conjecturas. Hæc tamen editio quisquiliis, nugis, et *Germanicismis* abundat; os verum elephanti, sed agni medullam habet. Wernsdorfii neque lectionem placuit omnino sequi.

Restat nonnihil de Symposio dicere, cujus nomen quam variis in libris, tam varie legitur. Quidam eum Symphosium, alii Symphrosium, Symphorium, Symphonium, rari etiam Symphorosium vocarunt. Sed non longius habebis, lector, “de nomine nugas:” satis

esto *Symposium* scripsisse ænigmata, quæ studiosis frequenter laudata videas. Sunt, qui ex Numidia nostrum *Symposium* ducunt, quum in suis versibus, et præsertim in prologo, Africismos quosdam observarunt seu rectius *observasse videntur*. Nonnulli quoque scriptores Africanenses idem prænomen gesserunt. Hæ si tibi rationes videantur, quam facile hæc ænigmata comperes! De *Symposio* nil satis constat, et quod credi potest, solum ex versibus deducitur. De auctoris ævo, hæc habes Wernsdorfii.—“Satis antiquum auctorem, nec ad inferiorem barbaramque ætatem rejiciendum, multa declarant, cum ipsa ejus oratio, quæ satis casta et elegans, et a nævis corruptioris Latinitatis pura est, sæpe etiam optimorum poetarum lectionem resipit; tum testimonia antiquorum scriptorum, qui eum laudant, ut Aldhelmi, Sigeberti Gemblacensis, et aliorum: tum denique ænigmata nonnulla, antiquitatis plane spirantia genium, et res ritusque notantia, qui antiquioribus tantum sæculis inter Romanos usitati fuerunt. Tale est ænigma de stylo, de clavo caligari, de speculari, de clepsydra, de strigili, de balneo. Quanquam vero ætas ejus scriptoris certo definiri nequit, id tamen facile mihi persuadeo, sæculo quarto non inferiorem esse.”

TESTIMONIA ET JUDICIA

DE

CÆLII SYMPOSII

ÆNIGMATIS.

SYMPOSIUS, poeta metricæ artis peritia præditus, occultas ænigmatum propositiones exili materia sumtas ludibundis apicibus legitur cecinisse, et singulas quasque propositionum formulas tribus versibus terminasse.—Aldhelmus, Prolog. sec. lib. ænig.

Aldhelmus, episcopus, imitatus Symposium, qui, per prosopœiam qualitates singularum rerum exprimens, scripsit librum ænigmatum metricæ; exprimens et ipse qualitates rerum scripsit ænigmatum librum, et in mille versibus consummavit illum.—Sigebertus Gemblac. de script. eccles. cap. 132.

Symposius, vir eruditissimus sermone ac scientia sua, nihilo minus scribit ænigmata.—Anon. Mellicensis, de script. eccles. cap. 73.

Incidit in Symposii cujusdam ænigmata, quæ sunt ab illo singula ternis versibus comprehensa: quorum ego adeo sum lectione delectatus, non tam quod nemo eorum, quos habemus, in hoc genere stilum exercuisset, quam quod versus ipsi et lepidi essent, et arguti, ut Symposii memoriam et laudem ab oblivione homi-

num a me judicarem vindicari oportere.—De puritate quidem Latini sermonis, cum iis, qui supra mille annos scripserunt, (excipe eos, qui nostra et patrum nostrorum memoria extiterunt) facile contenderit. Paucis vero antiquorum palmam apte dicendi concesserit, ut qui res obscurissimas tractet planissime, in quo vis ingenii perspicui potest vel maxima. Jam vero rerum earum, quas tractat, vim eum et naturas plane tenuisse, vel ex hoc intelligi potest, quod artem magna ex parte in jocos, risus et sales contulit, in quibus peritia sola dominatur.—Joach. Perionius, in præf. ad Symp. ab se edit.

Nemo fuit bonarum artium studiosus, quicum mihi familiaritas esset, quin censeret, Symposii ænigmata propter suavitatem et eruditionem digna esse, quæ ab omnibus legerentur. Mitto, quod ad alendum summa cum jucunditate exacuendumque ingenium eorum, qui Latinum sermonem discunt, sine ulla rerum aut verborum obscenitate nihil aptius fieri potest. Merito Sigonius, et elegantum scriptorem Symposium, et aliquid commodi studiis optimarum artium allaturum esse judicavit.—Josephus Castalio, in dedicat. Symp. ed. sec. Romæ.

Symposii ænigmata mihi perplacent. Festiva et rotunda sunt.—Jacobus Pontanus.

Ænigmata Symposii omnino probamus: quamvis Lilius Gyraldus libello suo de ænigmatibus parvi ea facere videatur.—Jo. Mersius, in not. ad fab. et ænigmat. Phædro adjuncta, p. 47.

Symposii ænigmatis, elegantibus et Latinis, numeris etiam felicibus, conscriptis.—Casp. Barthius, Adversar. lib. 19. cap. 14.

Ludicri carminis et lusuū poeticorū specimēn
haud ignobile propono, syllogē centū ænigmatū
vetustī auctoris, quō genere antiquī omnis memoriæ po-
etæ, rhetores, philosophi, ad honestam animi oblecta-
tionem, in conviviis maxime, ingenium, sales, jocosque
exercuerunt.—Christianus Wernsdorf. in præm. ad
Symp. ænig. tom. 6. p. 410.

The first of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country. This
 has been due to the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The second of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The third of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The fourth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The fifth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The sixth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The seventh of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The eighth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The ninth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The tenth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The eleventh of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The twelfth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The thirteenth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The fourteenth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

The fifteenth of these is the fact that the
 government has been unable to secure
 the necessary funds to carry out its
 policy of non-interference in the
 internal affairs of the country.

CÆLII SYMPOSI

ÆNIGMATA.

PROLOGUS.

HÆC quoque Symposius de carmine lusit inepto ;
Sic tu, Sexte, doces, sic te deliro magistro.
Annua Saturni dum tempora festa redirent,
Perpetuo nobis semper sollenia ludo ;
Post epulas lætas, post pocula dulcia mensæ ;
Deliras inter vetulas puerosque loquaces ;
Dum streperet late madidæ facundia linguæ :
Tum verbosa cohors, studio sermonis inepti,
Nescio quas passim magno de nomine nugas
Est meditata diu, sed frivola multa locuta est.
Nec mediocre fuit magni certaminis instar,
Ponere diversa, vel solvere quæque vicissim.
Ast ego, ne solus fæde tacuisse viderer,
Qui nihil attuleram mecum, quod dicere possem,
Hos versus feci subito de carmine vocis.
Insanos inter sanum non esse necesse est :
Da veniam, lector, si non sapit ebria Musa.

ÆNIGMATA.

STILUS.

De summo planus, sed non ego planus in imo ;
Versor utrinque manu, diversa et munera fungor ;
Altera pars revocat, quidquid pars altera fecit.

ARUNDO.

Dulcis amica Dei, ripis vicina profundis,
Suave canens Musis ; nigro perfusa colore,
Nuntia sum linguæ, digitis stipata magistri.

ANNULUS.

Corporis extremi non magnum pondus adhæsi ;
Ingenitum dicas, ita pondere nemo gravatur.
Servo tamen facies, plures habitura figuras.

CLAVIS.

Virtutes magnas de viribus affero parvis :
Pando domos clausas, iterum sed claudio patentes ;
Servo domum domino, sed rursus servor ab ipso.

CATENA.

Nexa ligor ferro, multos habitura ligatos ;
Vincior ipsa prius, sed vincio vincta vicissim ;
Et solvi multos, nec sum tamen ipsa soluta.

TEGULA.

Terra mihi corpus, vires mihi præstitit ignis ;
Estque domus tecto, sedes mihi semper in alto ;
Ac ego perfundor, sed me cito deserit humor.

FUMUS.

Sunt mihi, sunt lacrimæ, sed non est causa doloris ;
Est iter ad cælum, sed me gravis impedit aer ;
Et me qui genuit, sine me non nascitur ipse.

NEBULA.

Nox ego sum facie, sed non sum nigra colore ;
Inque diem mediam tenebras tamen affero mecum ;
Nec mihi dant stellæ lucem, nec Cynthia lumen.

PLUVIA.

Ex alto veniens, longa delapsa ruina,
De cælo cecidi, medias transmissa per auras ;
Et sinus effundit, qui me simul ipse recepit.

GLACIES.

Unda fui nuper, quod me cito credo futuram ;
Nunc rigidi cæli duris connexa catenis ;
Nec calcata pati possum, nec nuda teneri.

PISCIS IN PLUVIO.

Est domus in terris, clara quæ voce resultat ;
Ipsa domus resonat, tacitus sed non sonat hospes ;
Ambo tamen currunt, hospes simul et domus una.

NIX.

Pulvis aquæ tenuis, modico cum pondere lapsus ;
Sole madens, æstate fluens, in frigore siccus ;
Flumina facturus, totas prius occupo terras.

NAVIS.

Longa feror velox formosæ filia silvæ,
Innumeris pariter comitum stipata catervis ;
Curro vias multas, vestigia nulla relinquens.

PULLUS IN OVO.

Mira tibi referam nostræ primordia vitæ ;
Nondum natus eram, nec eram tum matris in alvo ;
Jam posito partu, natum me nemo videbat.

VIPERA.

Non possum nasci, si non occidero matrem ;
Occido matrem, sed me manet exitus idem.
Id mea mors patitur, quod jam mea fecit origo.

TINEA.

Littera me pavit, nec quid sīt littera novi ;
In libris vixi, nec sum studiosior inde ;
Exedi Musas, nihil hinc tamen ipsa reporto.

ARANEA.

Pallas me docuit texendī nosse laborem ;
Nec pepli radios poscunt, nec licia telæ ;
Nulla mihi manus est, pedibus tamen omnia fiunt.

COCHLEA.

Porto domum mecum, semper migrare parata ;
Mutatoque solo, non sum miserabilis exsul,
Sed mihi consilium de cælo nascitur ipso.

RANA.

Rauca sonans ego sum, media vocalis in unda ;
Sed vox laude sonat, qua se quoque laudet et ipsa ;
Quumque canam semper, nullus mea carmina laudat.

TESTUDO.

Tarda gradu lento, specioso prædita dorso,
Docta quidem studio, sed sævo perdita facto ;
Viva nihil dixi, quæ sic modo mortua canto.

TALPA.

Cæca mihi facies, atris obscura tenebris,
Nox est ipse dies, nec sol mihi cernitur ullus ;
Malo tegi terra, sic me quoque nemo videbit.

FORMICA.

Provida sum vitæ, duro non pigra labore,
Ipsa ferens humeris securæ præmia brumæ ;
Nec gero magna simul, sed congero multa vicissim.

MUSCA.

Improba sum, fateor ; quid enim gula turpe veretur ?
Frigora vitabam, quæ nunc æstate revertor ;
Sed cito commoveor, falso conterrita vento.

CURCULIO.

Non bonus agricolis ; non frugibus utilis hospes ;
Non magnus forma ; non recto nomine dictus ;
Non gratus Cereri ; non parvam sumo saginam.

MUS.

Parva mihi domus est, sed janua semper aperta ;
Exiguo sumtu furtiva vivo sagina ;
Quod mihi nomen inest, Romæ quoque consul habebat.

GRUS.

Littera sum cæli penna perscripta volanti,
Bella cruenta gerens volucris discrimine Martis ;
Nec vereor pugnare, dum non sit longior hostis.

CORNIX.

Vivo novem vitas, si me non Græcia fallit ;
Atraque sum semper, nullo compulsa dolore ;
Et, non irascens, ultro convicia dico.

VESPERTILIO.

Nox mihi dat nomen, primo de tempore noctis ;
Pluma mihi non est, cum sit mihi pinna volantis ;
Sed redeo in tenebris, nec me committo diebus.

ERICIUS.

Plena domus spinis, parvi sed corporis hospes,
Incolumi dorso telis confixus acutis ;
Sustinet armatas segetes habitator inermis.

PEDICULI.

Est nova notarum cunctis captura ferarum,
Ut, si quid capias, id tu tibi ferre recuses ;
Et quod non capias, tecum tamen ipse reportes.

PHŒNIX.

Vita mihi mors est ; moriar, si cœpero nasci ;
Sed prius est fatum lethi quam lucis origo :
Sic solus Manes ipsos mihi dico parentes.

TAURUS.

Mœchus eram regis, sed lignea membra sequebar ;
Et Cilicum mons sum, sed mons sum nomine solo ;
Et vehor in cælis, et in ipsis ambulo terris.

LUPUS.

Dentibus insanis ego sum, qui vinco bidentes,
Sanguineas prædas quærens, victusque cruentos ;
Multa cum rabie vocem quoque tollere possum.

VULPES.

Exiguum corpus sed cor mihi corpore majus ;
Sum versata dolis, arguto callida sensu ;
Et fera sum sapiens, sapiens fera siqua vocetur.

CAPRA.

Alma Jovis nutrix, longo vestita capillo,
Culmina difficili peragrans supero ardua gressu ;
Custodi pecoris tremula respondeo voce.

PORCUS.

Setigeræ matris fecunda natus in alvo ;
Desuper ex alto virides exspecto saginas ;
Nomine numen habens, si littera prima periret.

MULA.

Dissimilis patri, matri diversa figura ;
Confusi generis, generi non apta propago ;
Ex aliis nascor, nec quisquam nascitur ex me.

TIGRIS.

A fluvio dicor, fluvius vel dicitur ex me ;
Junctaque sum vento, vento velocior ipse ;
Et mihi dat natos ventus, nec quæro maritum.

CENTAURUS.

Quatuor insignis pedibus, manibusque duabus ;
Dissimilis mihi sum, quia non sum unus et idem ;
Et vehor et gradior, quia me duo corpora portant.

PAPAVER.

Grande mihi caput est, intus sed membra minuta ;
Pes unus solum, sed pes longissimus idem ;
Et me somnus amat, proprio nec dormio somno,

MALVA.

Anseris esse pedes similes mihi, nolo negare ;
Nec duo sunt tantum, sed plures ordine cernis ;
Et tamen hos ipsos omnes ego porto supinos.

BETA.

Tota vocor Græce, sed non sum tota Latine ;
Ante tamen mediam cauponis scripta tabernam ;
In terris, nascor, lympa labor, ungor oliva.

CUCURBITA.

Pendeo dum nascor, rursus dum pendo tumesco ;
Pendens commoveor ventis, et nutrior undis :
Pendula si non sim, non sum jam jamque futura.

CEPA.

Mordeo mordentes, ultro non mordeo quemquam ;
Sed sunt mordentem multi mordere parati ;
Nemo timet morsum, dentes quia non habeo ullos.

ROSA.

Purpura sum terræ, pulchro perfusa colore,
Septaque, ne violer, telis defendor acutis ;
O felix, longam si possem vivere vitam.

VIOLA.

Magna quidem non sum, verum est mihi maxīma virtus ;
Spiritus est magnus, quamvis in corpore parvo ;
Nec mihi germen habet noxam, nec culpa ruborem.

THUS.

Dulcis odor nemoris, flamma fumoque fatigor ;
Et placet hoc superis, medios quod mittor in ignes,
Cum mihi peccandi meritum natura negarit.

MYRRHA.

De lacrimis et pro lacrimis mea cœpit origo ;
Ex oculis fluxi, sed nunc ex arbore nascor ;
Lætus honor frondis, tristis sed imago doloris.

EBUR.

Dens ego sum magnus, populis cognatus Eois ;
Nunc ego per partes in corpora multa recessi ;
Nec remanent vires, sed formæ gratia mansit.

FÆNUM.

Herba fui quondam viridi de gramine terræ,
Sed Chalybis duro mollis præcisa metallo ;
Mole premor propria, tecto conclusa sub alto.

MOLA.

Ambo sumus lapides, una sumus, ambo jacemus ;
Quam piger est unus, tantum sed non piger alter ;
Hic manet immotus, non desinit ille moveri.

FARINA.

Inter saxa fui, quæ me contrita premebant ;
Vix tamen effugi, totis collisa medullis ;
Et nunc forma mihi minor est, sed copia major.

VITIS.

Nolo toro jungi, quamvis placet esse maritam ;
Nolo virum thalamo ; per me mea nata propago est ;
Nolo sepulcra pati, scio me submergere terra.

HAMUS.

Exiguum corpus, flexu mucronis adunci
Fallaces escas medio circumfero fluctu.
Blandior, ut noceam ; mortis præmitto saginas.

ACUS.

Longa, sed exilis tenui producta metallo,
Mollia duco levi comitantia vincula ferro ;
Et faciem læsis, et nexum reddo solutis.

CALIGA.

Major eram longe, quondam dum vita manebat ;
Sed nunc exanimis, lacerata, ligata, revulsa,
Dedita sum terræ, tumulo sed condita non sum.

CLAVUS CALIGARIS.

In caput ingredior, quia de pede pendeo solo ;
Vertice tango solum, capitis vestigia signo ;
Sed multi comites casum patiuntur eundem.

CAPILLUS.

Findere me nulli possunt, præcidere multi ;
Sed sum versicolor, albus quandoque futurus ;
Malo manere niger, minus ultima fata verebor.

PILA.

Non sum cincta comis, et non sum comta capillis ;
Sed mihi sunt crines intus, quos non videt ullus ;
Meque manus mittunt, manibusque remittor in auras.

SERRA.

Dentibus innumeris toto sum corpore plena ;
Frondicomam subolem morsu depascor acuto ;
Mando tamen frustra, quia respuo præmia dentis.

PONS.

Stat nemus in lymphis, stat in alto gurgite silva,
Et manet in mediis undis immobile robur ;
Terra tamen mittit, quod terræ munera præstat.

SPONGIA.

Ipsa gravis non sum, sed aquæ mihi pondus inhæret ;
Viscera tota tument, patulis diffusa cavernis ;
Intus lympa latet, sed non se sponte profundit.

TRIDENS.

Tres mihi sunt dentes, unus quos continet ordo ;
Unus præterea dens est et solus in imo ;
Meque tenet numen, ventus timet, æquora curant.

SAGITTA.

Septa gravi ferro, levibus circumdata pennis,
Aera per medium volucris contendo meatu ;
Missaque discedens nullo mittente revertor.

FLAGELLUM.

De pecudis dorso pecudes ego terreo cunctas,
Obsequium reddens moderati lege doloris ;
Nec volo contemni, sed contra nolo nocere.

LATERNA.

Cornibus apta cavis, tereti perlucida gyro,
Lumen habens intus divini sideris instar,
Noctibus in mediis faciem prope reddo dierum.

SPECULAR.

Perspicior penitus, nec luminis arceo visus,
Transmittens oculos intra mea membra meantes ;
Nec me transit hiems, sed sol tamen emicat in me.

SPECULUM.

Nulla mihi certa est, nulla peregrina figura ;
Fulgor inest intus, radianti luce coruscans,
Qui nihil ostendit, nisi si quid viderit ante.

CLEPSYDRA.

Lex bona dicendi, lex sum quoque dura tacendi ;
Jus avidæ linguæ, finis sine fine loquendi ;
Ipsa fluens, dum verba fluant, aut lingua quiescat.

PUTEUS.

Mersa procul terris in cespite lymphæ profundo,
Non nisi perfossis possum procedere venis ;
Et trahor ad superos, alieno ducta labore.

TUBUS.

Truncum terra tegit, latitant in cespite lymphæ ;
Alveus est modicus, qui ripas non habet ullas ;
In ligno vehitur medio, quod ligna vehebat.

FOLLIS.

Non ego continuo morior, dum spiritus exit,
Nam redit assidue, quamvis et sæpe recedat ;
Et mihi nunc magna est anima, est nunc nulla facultas.

LAPIS.

Deucalionis ego crudeli sospes ab unda ;
Affinis terræ, sed longe durior illa ;
Littera decedat, volucris quoque nomen habebo.

CALX.

Evassi flammas, ignis tormenta profugi ;
Ipsa medela meo pugnat contraria fato ;
Ardeo de lymphis ; mediis incendor ab undis.

SILEX.

Semper inest mihi, sed raro cernitur ignis ;
Intus enim latitat, sed solos prodit ad ictus ;
Nec lignis ut vivat, eget, nec, ut occidat, undis.

QUADRIGA.

Quatuor æquales currunt ex arte sorores,
Sic quasi certantes, quum sit labor omnibus unus ;
Et prope eunt pariter, nec se contingere possunt.

SCALÆ.

Nos sumus ad cælum, quæ tendimus alta petentes,
Concordi fabrica, quas unus continet ordo,
Ut simul hærentes per nos scandatur ad auras.

SCOPA.

Mundi magna parens, laqueo connexa tenaci,
Juncta solo plano, manibus comprehensa duabus,
Ducor ubique sequens, et me quoque cuncta sequuntur.

TINTINNABULUM.

Ære rigens curvo, patulum componor in orbem ;
Mobilis est intus linguæ crepitantis imago ;
Non resonat positus, motus quoque sæpe resultat

CONDITUM.

Tres olim fuimus, quæ nomine jungimur uno ;
Ex tribus est unus, tres et miscentur in uno ;
Quisque bonus per se, melior qui continet omnes.

ACETUM EX VINO.

Sublatum nihil est, nihil est extrinsecus auctum ;
Nec tamen invenio, quidquid prius ipse reliqui ;
Quod fuerat non est, cœpit quod non erat esse.

MALUM.

Nomen ovis Græcum ; contentio magna Dearum ;
Fraus juvenis pulchri ; multarum cura sororum ;
Excidium Trojæ, dum bella cruenta peregi.

PERNA.

Nobile duco genus magni de gente Catonis ;
Una mihi soror est plures licet esse putentur ;
De fumo facies, sapientia de mare nata est.

MALLEUS.

Non ego de toto mihi vindico corpore vires,
 At capitis pugna nulli certare recuso :
 Grande mihi caput est, totum quoque pondus in illo.

PISTILLUS.

Contero cuncta simul virtutis robore magno ;
 Una mihi cervix, caput sed forma duorum ;
 Pro pedibus caput est, et cætera corpore videntur.

Curva vepax, salubris, quæ allentis humida guttis ;
 Lætuusque color, variis mentita colorem ;
 Deoq; ætati, modico succumbo labori.

BALNEUM.

Per totas ædes innoxius introit ignis ;
 Est calor in medio magnus, quem nemo veretur ;
 Non est nuda domus, sed nudus convenit hospes.

TESSERA.

Dedita sum semper voto, non certa futuri ;
 Jactor in ancipites varia vertigine casus ;
 Nunc ego mœsta malis, nunc rebus læta secundis.

PECUNIA.

Terra fui primo, latebris abscondita terræ ;
 Nunc aliud regnum flammæ nomenque dederunt ;
 Nec jam terra vocor, licet ex me terra-paretur.

GEMELLIPARA.

Plus ego sustinui, quam corpus debuit unum ;
 Tres animas habui, quas omnes intus habebam ;
 Discessere duæ, sed tertia pæne secuta est.

MILES PODAGRICUS.

Bellipotens olim, sævis metuendus in armis ;
Quinque pedes habui, quos unquam nemo negavit ;
Nunc mihi vix duo sunt inopem me copia fecit.

LUSCUS ALLIUM VENDENS.

Cernere jam fas est, quod vix tibi credere fas est ;
Unus inest oculus, capitum sed millia multa.
Qui, quod habet, vendit, quod non habet, unde parabit?

FUNAMBULUS.

Inter luciferum cælum terrasque jacentes,
Aera per medium docte meat arte viator ;
Semita sed brevis est, pedibus nec sufficit ipsis.

UMBRA.

Insidias nullas vereor de fraude latentis ;
Nam Deus attribuit nobis hæc munera formæ,
Quod me nemo movet, nisi qui prius ipse movetur.

ECHO.

Virgo modesta nimis legem bene servo pudoris ;
Ore procax non sum, nec sum temeraria lingua ;
Ultro nolo loqui, sed do responsa loquenti.

SOMNUS.

Sponte mea veniens, varias ostendo figuras ;
Fingo metus vanos nullo discrimine vero ;
Sed me nemo videt, nisi qui sua lumina claudit,

MONUMENTUM.

Nomen habens hominis, post ultima fata remansi ;
Nomen inane manet, sed dulcis vita profugit ;
Vita tamen superest morti post tempora vitæ.

ANCORA.

Mucro mihi geminus ferro conjungitur unco ;
Cum vento luctor, cum gurgite pugno profundo ;
Scrutor aquas medias, ipsas quoque mordeo terras.

LAGENA.

Mater erat tellus, genitor fuit ipse Prometheus ;
Auriculæque regunt redimitæ ventre cavato ;
Dum cecidi infelix mater me antiqua revisit.

CUCULUS.

Frigore digredior, redeunte calore revertor ;
Desero quod peperî, hoc tamen educat altera mater ;
Quid tibi vis aliud dicam ? me vox mea prodit.

FINIS.

EDITIONUM CATALOGUS.

- I. Principem Symp. ænig. ed. fecit Joach. Perionius, anno, sive, ut ait Maittairus, 1533. sive 1538. ut Heumannus; seu probabilius, teste Wernsdorfio, Paris. oct. 1537. Bona ed. et sæpe laudata Casp. Barthio.
- II. Joach. Camerarius quædam Symp. ænig. dedit, ab ed. Per. multo tamen discrepantia, Lips. oct. 1540. iterum 1562. iterum 1600.
- III. Jo. Lorichius Hadamarius quædam select. Francof. 1545.
- IV. Franciscus Basuelus quædam select. Basileæ: Oct. 1563.
- V. Jos. Castalio omn. ænig. ed. Symp. cum scholiis, Romæ; quart. 1581. Hæc editio præstans est repedita Romæ; duod. 1597. non tamen habet scholia. Iterum Jos. Cast. 1607. postquam, ut ait Wernsd. ed. Pithœi viderat "alt. ed. serius curavit," scholiis bene auctis: Romæ; quart.
- VI. Petrus Pithœus locupletissimam ed. Symp. ænig. fecit inter vet. poemat. Paris. duod. 1590. Repetita Lugdun. 1596.
- VII. Jacob. Pontanus quædam ed. in *Progymnasmate Latinitatis*, Ingolstadii; oct. 1592. Repetita 1634.
- VIII. Nicolaus Reusnerus, in *Ænigmatographia*, Symp. ænig. repetiit ex Per. ed. Francof. duod. 1599. ibidem. duod. 1602.
- IX. Conr. Kittershusius ed. Symp. ænig. una cum Phæd. fab. Lugdun. oct. 1598. Rep. cum not. Jo. Meursii, 1610. Iterum Duaci; oct. 1604.

- X. Franciscus Schottus quædam Symp. ænig. ed. una cum Aldhelmi ænigmatibus. Colonia Agripp. duod. 1620. spero nunquam repetitura.
- XI. Nicolaus Causinus ed. Symp. ænig. sine notis, in libro suo, *Symbolica Ægyptiorum sapientia*, Colonia; oct. Repetita est hæc editio Paris. quart. 1647. iterum Colonia; oct. 1654.
- XII. Christianus Junckerus ed. Symp. et aliorum ænig. una cum Phæd. fab. adjecit notas grammaticas, Lips. duod. 1700. Sed hæc ed. et sequens Walchii, ait Fabricius, Bib. Lat. tom. 3. pag. 252. "pueris destinatae fuere."
- XIII. Jo. Georg. Walchius ed. Symp. ænig. una cum Phæd. fab. Lips. duod. 1713. ut Fabric. Wernsd. putat 1724. Est ed. similis Junk.
- XIV. Michaelis Maittairus inter op. vet. Lat. poet. dedit Symp. ænig. Lond. fol. 1713.
- XV. Chr. Aug. Heumannus ed. Symp. ænig. Hanov. oct. 1722. quam ed. omnes laudavere docti: *præstantissimam* et *locupletissimam* vocat Wernsd. *destinatam viris doctis* ait Fabric. Est illustrata Heum. Cast. Barth. Basuel. aliorumque notis, et certe magis est consulenda. Hic tamen editor. non Symp. tribuit ænigmata, sed Lactantio; et inscripsit librum, *Symposium Lactantii*. Certe vult Symposium esse *symposium*, sive *συμπόσιον*, computationem: at *sum*, ut ait Hor. *paulo infirmior*, *unus multorum*; nec possum sequi, dum testimonio regor.
- XVI. M. Joan. Frid. Heynatzius ed. Symp. ænig. Francof. ad Viadr. oct. 1775. Editio nullo modo contemnenda.
- XVII. Christianus Wernsdorf. ed. Symp. ænig. inter *Poet. Lat. Min. op.* Helmstadii; duod. 1799. de qua ed. satis dictum est in præmio nostro.

VARIAE LECTIONES.

Wernsdorfius in suo libro habet lectiones varias, non editionum, quas supra memoravi, sed præterea sex antiquorum codicum. Quanquam hoc tam grave pondus nugarum ferre libellus negat, lectiones tamen quasdam inserui, non omnino rejiciendas.

PROLOGUS. v. 1. et 2. Per. non habet 2, *Sic tu es ex te doces*, Cast. 7. *Dum* habet cod. antiq. malo, quod bene convenit cum supra *dum redirent*. Cum probant Wernsd. et prior. mult. 9. *de carmine* Heum. contra omn. antiq. 10. Hunc versum ita habet Heum. *Est meditata : diu sic frivola* &c. 12. *diversa* Caus. et Cast. *diversos* Per. inepte ; *diverse* Pith. Meurs. Bas. *de versu* Heum. vah ! 14. *attulerim* et *possim* Heum. non bene. 15. post *carmine*, punctum ponit Heum. ergo sic leg. *voces insanas* &c. sed non sequor. 17. *quod non*. Pith. Bas. Heum. Heyn. *si non* Per. seq. Werns. bene.—**STILUS.** 2. *Versus utraque* Pith. Cast. *diverso munere* Pith. Cast. correxit Heum ut in text.—**ARUNDO.** 1. *semper vicina* &c. Pith. Cast. *Litora semper amo ripis* &c. Per. 3. *signata magistris* Pith. Cast. *signata magistri* Per. *stipata ministris* Heum. ut in text. bene correxit Wernsd.—**ANNULUS.** 1. pro *adhæsi inhæsit* habent Per, et Reusn. male, quippe non convenit cum prosopopœia ænig. *inhæsi* Per sec. *adhæsi* Pith. Cast. *corpus adhæsi* Heum, illum seq. Heyn. 3. *Una* habent vulg. *Servo* cod. antiq. et sequor.—**CLAVIS.** 1. *magnas locupletibus offero parva* Per. Schott. *virt. multas*. Cast. 2. *iterum concludo* Cam. *recludo* Heyn.—**CATENA.** 3. pro *et solvi* Heum. habet *exsolvit*, mendose.—**TEGULA.** 2. *Alta domus quærit, sedes est semper in imo* Per. inepte. Ut in textu corr. Heum. 3. *Et me perfundit qui me* &c. Wernsd. non probo. *Perfundor liquidis* Per.

et Reusn. habent. sed sequor cod. vet. Angl. ut in text.—
FUMUS. 1. *Funduntur lacrimæ* Heum. 3. *qui me* Wernsd.—
NEBULA. 2. *Inque die media* omn. vulg. sed bene con. ut
in text. Heum. 3. *Nec stellæ proprium lucem* Per. Reusn.—
PLUVIA. 1. *venio* pene omn. seq. Wernsd. malo lect. vet.
cod. Lugd. 2. *demissa* Per. 3. *Excepitque sinus* Per. *Sed*
sinus excepit Pith. Cast. Wernsd. In vet. cod. Heum. invenit
Et sinus offendit, unde conj. *effudit* : *effundit* Heyn. et sequor.—
GLACIES. 1. *fui quondam* Wernsd. *fui nuper* Per. et melius,
2. *Nec rigidi* Caus. absurde.—**NAVIS**. 2. *Innumera pariter*
comitum stipante caterva Per. Heum. Heyn. Wernsd. sequor
Pith. et Cast. ut in text.—**PULL. IN OV.** 2. *nec eram gen-*
tricis in alvo Bas. 3. *Quum pos. part.* Per.—**VIPERA**. 2. *Oc-*
cidi, Wernsd. et vulg. : ut in text. sequor vet. cod. Angl.
3. *mors faciet* Heum.—**TINEA**. 3. *nec adhuc tamen ipsa. pro-*
feci Wernsd. et alii. Ut supra in text. malui hab. Per. lect.—
ARANEA. 2. *Nec telæ radios* Per. 3. *tantum omn.* Pith.—
COCHLEA. 3. *Nam mihi concilium* Pith. *Sed mihi con-*
chylium Cast. et vulg.—**RANA**. *Raucisonans ego* Pith. Bas.
Transponit hos ver. Heum. habens sec. in loco tert. et vice
vers. 2. *Sic vox laude caret, quæ se laudaverit ipsa.* ita Heum.
contra omn. cod.—**TESTUDO**. 1. *spatioso præd.* maluit
Heum. 2. *duro prodita facto* Per. *sævo præd. fato* Cast. Pith.
sequor Wernsd. ut in text.—**TALPA**. 2. *humeris brumæ quæ*
incommoda vincant Per. *previa brumæ* Pith. 3. *nec gero multa*
simul, sed congero magna vicissim Bas.—**MUSCA**. 2. *quæ tunc*
Per. 3. *submovear* Bas. *submoveor* Pith. Wernsd. *commoveor*
Per melius. *facto conterrita* Cast.—**CURCULIO**. 2. *non certo*
nomine Bas. 3. *non gratus tritici* cod. un. antiq. *sed multa*
vivo sagina Per. *insumo* Heum.—**MUS**. 2. *furtivis nutrior*
escis Per.—**GRUS**. 1. *pennas perscripta volantes* Per. *penna*
perscripta volantis Pith. Cast. 2. *volucris discrimina* Per.
Schot. 3. *pugnos* Schot.—**CORNIX**. 2. *Utraque* Pith. *Nomen*
habens atrum nullo compulsa dolore Per. *nullo complexa dolore*
Cast. Walch.—**VESPERTILIO**. 1. *Vix mihi dat* Bas. 3. *Sed*

sedeo in tenebris Pith. Cast.—ERICIUS. 2. *completus acutis* Cast. et vulg. sequor, ut in text. Per. et Pith. 3. *armatus* Per. Pith. *sedes pro segetes* Cast. et vulg. pro *habitor*, *calitator* Schot.—PEDICULI. 1. *nova nostrarum* Per. Pith. Cast.—PHŒNIX. 1. *morior* Wernsd. sequor, ut in text. cod. antiq. 3. *solos manes* Per. Pith. Cast. Bas. *duco parentes* Pith. Bas.—TAURUS. 2. *Et Cilicus* Cast. et al. *sed non sum nomine solo* Pith. Cast. Wernsd. sequor cod. antiq. duos Angl. *Et Cilicum immensus mons sum et mons nomine solo* Per.—LUPUS. 1. *Dentibus insanguis* Pith. 3. *Mixta et cum rabie vocem quoque tollere novi* Per.—VULPES. 3. *talis fera siqua* Per. *vocatur* Wernsd. et al. *malo vocetur*, quanquam sine priorum auctoritate.—CAPRA. 2. *super ardua* Wernsd. et al: ut in text. recepi conject. Bunemanni. 3. *Custodi pecorum* Per. Cast. *respondeo lingua* Wernsd. *præfero voce*, ut Pith Bas.—PORCUS. 1. *ab alvo* Heum. 2. *pastus expecto virentes* Per.—MULA. 2. *Alterni generis* Cast. et vulg. 3. *nec quicquam* Per. Schot.—TIGRIS. 2. *velocior ipso* Wernsd. et vulg: *velocior ipse* plus tamen habet latinitatis, et ita videatur in vet. cod. Angl.—CENTAURUS. 2. *quia non sum unus et unus* Pith. Wernsd: sequor Per: 3. *portent* Pith. Cast.—PAPAVER. 1. *intus sunt membra minuta* Wernsd. et al: sequor Per. 2. *longissimus unus* Wernsd. sequor Per.—BETA. 2. *Pauperibus semper proponor* Per.—CUCURBITA. 1. *pendendo tumesco* Per. Wernsd. sequor tres cod. Angl. 2. *Pendens dum moveor velis* Per.—ROSA. 1. *perfusa rubore* Pith. Cast. 3. *longo si possem vivere fato* Wernsd. sequor Heum.—VIOLA. 1. *sed inest mihi* Wernsd. sequor Per.—THUS. v. 3. Bas. non habet. *peccandi vitium* Per.—MYRRHA. 1. *et per lacrimas* Cast. 3. *Lætus honor frondi tristis sed magna doloris* Bas. satis inepete.—FŒNUM. 1. *Herba fuit* Per. male.—MOLA. 1. *ambo jacentes* Cast. 2. *tantum non segnis it alter.* Per. Pith. Wernsd. sequor cod. antiq. Angl.—FARINA. 1. *Vix tandem* Heum.—HAMUS. 2. *circumfero ventre* Per. *morti* Wernsd. et al. sequor Cast. et vulg. *saginem* Wernsd. sequor Per.—CLAV.

CAL. 1. *In capite putavit Heum.*—CAPILLUS *canus quandoque futurus* Per. male.—PILA. 1. *Non sum cincta comis ullis nec crinibus ornor* Per. Schot.—SERRA. 3. *quæ respuo* Per.—PONS. 2. *Permanet et mediis immobile robur in undis* Per.—SPONGIA. 1. *inhæsit* Cast. 3. *refundit* Per. Schot.—TRIDENS. 2. *et parte sub ima* Per. 3. *vectus timet* Per. *æquor adorat* Heum. contra cod. omn.—SAGITTA. 3. *descendens* Per.—FLAGELLUM. 2. *obsequio cogens* Cast. et vulg. *memorata lege* Per. Pith.—LATERNA. 1. *perlucida vitro* Per. Pith. 3. *faciem non perdo dierum* omn. ed. præter Heum. quem sequor.—SPECULAR. 1. *Perspicior cunctis* Per.—SPECULUM. 2. *radiata luce* Per. *coruscus* Pith. Cast.—CLEPSYDRA. 2. *Vis avidæ* Cast. Heyn. *fluunt* Wernsd. et al. *sequor* Per.—PUTEUS. 2. *procedere rimis* Pith.—TUBUS. 3. *modico quæ ligna vehebat* Per.—FOLLIS. 3. *magna est animæ* Pith. Wernsd. et al. *sequor* cod. antiq. Angl. et *insero est post anima* contra omn.—CALX. 1. *refugi.* Cast. et vulg. 3. *Frigesco lymphis, calidis incendor ab undis* Per. Pith.—SILEX. 1. *Semper inest intus* Cast. et vulg. *inest in me* Wernsd. Per. Pith. *malo tamen inest mihi, quanquam* contra omn. ed.—ROTÆ. 1. *æquali currunt ex parte* Per. 3. *Et prope sunt pariter* Wernsd. *sequor* conject. Bunemanni.—SCALÆ. 1. *quæ scandimus* 3. *Et simul hærentes per nos mittentur* Per. *comitentur* Pith. Cast.—SCOPA. 1. *In silvis genita et laqueo* Per. Pith. 3. *simul et me cuncta sequuntur* Per.—ACET. EX. VIN. 2. *Nec tamen inveni* Pith. Cast. *quod in isto vase reliqui* Heum. 3. *Quod fueram non sum, cæpi quod non erat esse* Per. prave.—MALUM. 1. *Nomen habens Græcum* Heum. Cast. Wernsd. *sequor* Cam. Per. et quatuor cod. 2. *juvenis functi* Per. Pith. Cam. 3. *quæ bella cruenta* Per. Pith. *cui bella cruenta paravi* Heum.—PISTILLUS. 2. *Una mihi est cervix, capitum sed forma aliorum* Per. Reusn. 3. *sed cætera* Wernsd. et vulg. *malo et cætera.*—STRIGILIS, *Rubida, curva, capax,* Wernsd. et antiq. Hæc mutavi, ut in text. propter legem metri, cui *Rubida* in primo loco non bene

licet. 2. *auri simulata metallo* Per. Reusn.—PECUNIA.
 1. *abscondita diris* Per. Pith. *duris* Cast. vah! 2. *aliud pretium*
 vulg.—GEMELLIPARA. 3. *sed tertia bella peregit* Per.
 mira lectio! ait Wernsd. certe mira lectio.—LUSC. ALL.
 VEND. 1. *Gerne, licet, proprius, quod* Per.—FUNAMBU-
 LUS. 1. *lucificum* Per. 2. *docta meat* Per. Pith. Wernsd.
doctus Cast. sequor cod. antiq. Angl.—UMBRA. 1. *latent*
 Heum. Heyn. Wernsd. *latentes* Cast. et vulg. sequor Pith. 2.
hujus mihi munera Cast. *talis mihi* Heum.—ECHO. 1. *sacri*
legem Per. Pith.—SOMNUS. 2. *metus varios* Cast. et vulg.
veri Per. Pith. Cam. *veros* Cast. et vulg.—MONUMENTUM.
 1. *hominum* Per. 3. *superest multis* Heum.—LAGENA.
 3. *mater mea me divisit* Heum. Heyn. Wernsd. ita faciunt ver.
 spondaicum; sed, meo judicio, mendose: cur *mater divisit*?
 quia lagena terracea, cadens, a terra frangitur. Multo magis
 desideranda est lectio nostra, ex Pith. ed. capta, quanquam
 auctoritate caret.

NOTÆ.

PROLOGUS. 15. *subito de carmine vocis* modus loquendi inusitatus ; ore proloquens metricè quæ cogitasset : *de positum esse pro ex conj.* Wernsd. 16. *Insanos* ita. Horat. lib. 2. ser. 3. ver. 40. Insanos qui inter vereare insanus haberi. 17. *si non sapit ebria Musa* sic Anthol. Burm. tom. 2. pag. 445. Ne pedibus non stet ebria Musa suis.—ARUNDO. 1. *Dulcis amica Dei* i. e. Panis, fistularum inventoris : audi quoque Tibullum, lib. 2. el. 5. v. 29 2. *nigro perfusa colore* vid. Pers. sat. 3. v. 11. seq. quæ testatur de arundine, apud antiq. —ANNULUS. in quibusdam libris hoc ænigma est inscriptum *Annulus cum gemma* 2. *ingenitum dicas* eandem sententiam habet Cicero, Tusc. qu. lib. 2. sec. 16. Scutum, gladium, galeam in onere nostri milites non plus numerant, quam humeros, lacertos, manus : arma enim membra militis esse dicunt.—CLAVIS. 3. *servo domum domino* vina servata centum clavibus. Hor. car. 14. lib. 2. v. 26. tua si bona nescis servare, ah ! frustra clavis inest foribus. Tib. lib. 1. El. 7. v. 40.—NEBULA. Imitatus est Ovid. Met. 1. v. 602. Et noctis faciem nebulas fecisse volucris, sub nitido mirata die.—PLUVIA. 1. Sic frequenter *longa delapsa ruina* de pluvia dictum est. Fluctibus oppressos Troas cœlique ruina Virg. Æn. 1. v. 129. Excipere insanos imbres cœlique ruinam Sil. Ital. lib. 1. v. 250.—NIX. 2. *Sole madens* &c. ita Ovid. Her. 13. v. 52. More nivis lacrimæ sole madentis eunt : *frigore siccus* Mart. qui siccis lascivit aquis.—Siccus teneris a nubibus imber. Paulin. Nol. car. 21. v. 18.—Quamvis cæruleo siccus Jove frigeat æther. Lucil. Ætn. v. 329.—3. *Flumina facturæ* Incaluere nives, mox flumina montibus altis undabant. Petron. bel. civ. v. 189.—NAVIS. 1. *filia silvæ* sic Hor. lib. 1. car. 14. v. 11. Quamvis Pontica pinus silvæ filia nobilis.—VIPERA. Hoc ænig. sequitur fabulam, viperam non nasci sine morte parentis ; vide Plin. Nat. Hist. lib. 10. cap. 62. et

Prudent. Hamartig. v. 582. Facciolatus ita habit. Terrestrium sola vipera inter se parit ova unius coloris et mollia, ut pisces. Tertia die intra uterum excludit, deinde singulas singulis diebus parit, viginti fere numero. Itaque ceteræ tarditatis impatientes perrumpunt latera, occissa parente.—

ARANEA. 1. *Pallas me docuit texendi nosse laborem.* Pallas fuit inventrix artis textoriæ.—Minerva telam docuit ordiri Lactant. Inst. Ne tenuem texens sublimis aranea telam deserto in Manli nomine opus faciat. Catull. car. 68. v. 49.—

RANA. Hoc est ænig. mendosum, ac nullo commentario dignum: certe *rauca sonans*.—TESTUDO. Hoc ænig. est elegantius, propter superioris exilitatem. 1. *specioso prædita dorso.* testudinem usitatem fuisse ab antiquis, pro variorum ornamentis, multum habemus testimonii. Nec varios inhiant pulchra testudine postes. Virg. G. 2. v. 463. Gemmantes prima fulgent testudine lecti. Mart. 12. ep. 66. v. 5.—2. *docta quidem studio* sic Propert. lib. 2. car. 25. v. 79. Tale facis carmen docta testudine. *sævo perdita facto* quia fuit eviscerata.—MUS. *Romæ quoque consul* hic fuit Decius Mus.—

CORNIX. *Vivo nomen vitas* Hor. lib. 3. car. 17. v. 13. annosam cornicem.—Vivit et armiferæ cornix invisæ Minervæ, illa quidem sæclis vix moritura novem. Ovid. Am. 2. 6. 35.—Hosnovies superat vivendo garrula cornix. Auson. Idyl. 18. v. 2.—Plinius in Nat. Hist. lib. 7. cap. 48; Hesiodus fabulose ut reor cornici novem nostras attribuit ætates. *si me non Græcia fallit.* refert ad Hesiod. qui scripsit de ætatibus animantium.—


PEDICULI. Hoc est valde obscurum, et valde contemnendum.—PHŒNIX. Est fabula; consule Lactantii car. de phœnice.—TAURUS. 1. *Mæchus eram.* Uxorem quondam magni Minois, ut aiunt, corruptit torvi candida forma bovis. Propert. lib. 2. car. 23. v. 113.—TIGRIS. 3. *Et mihi dat natos ventus et junctaque sum vento* in ver. sec. sequuntur fabulam, de tigride. Sic. Oppian. Cyneg. 3. v. 353. Ὀκυτέρα τέλει δὲ δῶν πανυπεύροχα θηρῶν. Αὐτῷ γὰρ τε θέειν ἰκέλη Ξεφύρω γενεῖται.—MOLA. Hanc machinam ita describit Senec.


ep. 90. pag. 409. Grøn. Hoc aliquis secutus exemplar, lapidem asperum aspero impossuit, ad similitudinem dentium, quorum pars immobilis motum alterius exspectat: deinde utriusque attritu grana franguntur, et sæpius regeruntur, donec ad minutiam frequenter trita redigantur.—CLEPSYDRA. Horologium aquarium, ait Facciolatus, horas aqua dimetiens: i. e. vas vitreum, in cujus fundo foramen est guttatim aquam destillans, ex cujus deminutione labentis temporis mensura cognoscitur: a κλίτω et ὕδωρ. 1. *Lex bona dicendi* nam consulatu Cn. Pomp. ad tempus dicendi metiendum apud oratores usa est. Clepsydram usitatam quoque in castris, crede Cæsari. Bel. Gal. lib. 5. cap. 13. Nos nihil de eo percuntationibus reperiebamus, nisi certis ex aqua mensuris, breviores esse noctes, quam in continenti videbamus.—LAPIS. *Deucalionis* refert ad fabulam diluvii, quod accidisse dicitur eo tempore, dum Deucalion regnaret apud Thessalos: consule Ovid. et Hygin.—SCOPA. 1. *Mundi magna parens* mundum ait Wernsd. Symp. dixisse pro munditie; sed lectione tam rara et barbara nullo modo non offendi queam; nec Symp. tribuo.—CONDITUM. Potus vino, melle, et pipere factum, juxta Apicium, lib. 1. cap. 1. et 2. Qualia nunc quoque fiunt, pipere et melle addito, quæ alii condita, alii piperata appellant. Plin. lib. 14. cap. 16.—MALUM. 1. *Nomen ovis Græcum* i. e. μῆλον, nam hoc significat ovem et pomum. *contentio magna Dearum* Jun. Pal. et Ven. de earum pulchritudine. 2. *Fraus juvenis* refert ad Atalantæ et Hippom. fabulam. *multarum cura sororum* Hesperidum: vide Virg. Æn. 4. v. 484. et not Servii in ill. ver. 3. *Excidium Trojæ* nempe pomum Eridis, a Paride Veneri adjudicatum.—PERNA. 1. *de gente Catonis* i. e. M. Porcii Catonis. 3. *sapientia* i. e. sal.—STRIGILIS. juxtaque honestam strigiliculam recta fastigatione clausulæ, flexa tubulatione ligulæ; ut et ipsa in manu capulo moraretur, et sudor ex ea rivulo laberetur. Apuleius in Flor. pag. 346. ed. Elm. Hoc instrumentum usitatum fuit præcipue in balneis. 1. *rubida* quia ex ære

fabricata.—MILES PODAGR. 2. *Quinque pedes habui* ludit, ait Wernsd. in ambiguo verbo quinque pedum, quod ad mensuram pertinet, et duorum pedum, quos podagra debilitabat. Certe *ambiguo verbo*, et hoc est ænigma valde podagricum.—LUSC. ALL. VEND. Hoc est barbarum et omnino confusum; sine norma, sine sale.—


FINIS.







LIBRARY OF CONGRESS



0 003 091 738 8

